



Sahabat Alam Malaysia
Friends of the Earth Malaysia
For Environmental Justice

1, Jalan Joki, 11400 Penang, Malaysia
Tel No: +604 827 6930
Fax No: +604 827 6932
Email: foemalaysia@gmail.com
<https://www.foe-malaysia.org>

Kenyataan Media

24 Julai 2017

**PENEBANGAN POKOK-POKOK DI BEBERAPA
KAWASAN DI KUALA KANGSAR, PERAK**

Sahabat Alam Malaysia (SAM) dukacita apabila mendapati sebilangan pokok telah ditebang di beberapa kawasan di Kuala Kangsar terutama di Dataran Sungai Perak dan Jalan Dato' Sagor.

SAM mendapati pokok-pokok yang telah ditebang adalah pokok yang telah matang manakala usia pokok yang telah ditebang di Jalan Dato' Sagor dianggarkan lebih 30 tahun.

SAM mempersoal justifikasi dan keperluan pokok-pokok tersebut ditebang sama ada kawasan yang berkenaan hendak digunakan untuk kepentingan awam yang tidak dapat dielakkan atau keperluan mendesak sehingga terpaksa dimusnahkan.

Tidak ada alternatif lainkah selain daripada menebang pokok atau sekiranya perlu juga kawasan tersebut untuk kepentingan awam tidak bolehkah pihak Majlis Perbandaran Kuala Kangsar (MPKK) memindahkan pokok-pokok yang terlibat untuk ditanam di tempat lain.

Antara spesies pokok yang dikenal-pasti telah ditebang ialah pokok Ara (*Ficus spp.*), Hujan-hujan (*Samanea saman*) dan Khaya (*Khaya senegalensis*).

Oleh itu SAM menggesa MPKK memberi penjelasan berhubung penebangan sebilangan pokok di Kuala Kangsar.

S. M. Mohamed Idris
Presiden
Sahabat Alam Malaysia